

17 March. 2026

समे .18:15 Hrs

<><><><><><>

Headlines

- लोकसभा नै सर्वसम्मति प्रस्ताव दे बाद विपक्षी धड़ें दे 8 सांसदें दा निलंबन वापस लेई लैता।
- उपराज्यपाल मनोज सिन्हा होरें रियासी दे तलवाड़ा च जम्मू-कश्मीर पुलस च नमें भर्ती होए दे कांस्टेबलें दी पासिंग आउट परेड च शिरकत कीती ते आखेआ जे जम्मू-कश्मीर दी शांति च खलल पाने आहलें खलाफ प्रशासन सख्ती नै कार्रवाई करोग।
- श्रीनगर च ट्यूलिप गार्डन दे खुल्लने मगरा सैलानिएं दी आमद च बाद्दा दर्ज कीता जा'रदा ऐ।
- ते शब-ए-कद्र धार्मिक उत्साह कन्नै मनाया गेआ, ज्हारें दी गिनतरी च लोक रात भर चलने आहली नमाज ते इबादत आस्तै मसीतें च किट्टे होए।

<><><><><><>

MPs Suspension Revoked

लोकसभा नै सदन च सर्वसम्मति कन्नै प्रस्ताव मंजूर कीते जाने मगरा अज्ज विपक्षी धड़ें दे 8 सांसदें दे निलंबन गी वापस लेई लैता ऐ। संसदीय मामलें दे मंत्री किरिन रिजिजू होरें एहू प्रस्ताव पेश कीता हा जेह्दे च सदस्यें दे निलंबन गी फौरी प्रभाव कन्नै खतम करने दी तजवीज कीती गई ही। रिजिजू होरें आखेआ

जिनें सांसदें गी मुआत्तल कीते गेदा हा, उन्दे च कांग्रेस दे Manickam Tagore, Amrinder Singh Raja Warring, Gurjeet Singh Aujla, Hibi Eden, Dean Kuriak ose, Prashant Padole ते Kiran Kumar Raddy सने CPI (M) दे S Venkateson शामिल ना। बरोधी धड़ें दे इनें 8 सांसदें गी पिछले म्हीने दी 3 तरीक गी बजट सत्र दरान सदन च असभ्य बवहार आस्तै निलंबित करी दित्ता गेआ हा।

<><><><><><>

LG-Peace Disruption

उपराज्यपाल मनोज सिन्हा होरें जम्मू-कश्मीर च आम जनजीवन, बजारें जा कारोबारी गतिविधियें गी नुकसान पजाने दी कुसै बी कोशश खलाफ सख्त चेतावनी दिंदे होई आखेआ जे इस चाल्ली दे तत्वें कन्नै सख्ती'नै निब्वड़ेआ जाहग ते उ'नेंगी पूरी चाल्ली जवाबदेह बनाया जाहगं एल.जी होरें एहू गल्ल जम्मू-कश्मीर पुलस च नमें भर्ती होए दे 430 कांस्टेबलें दी पासिंग आउट परेड दरान अज्ज रियासी जिले दे तलवाड़ा च इक किट्टु गी संबोधित करदे होई आख्खी। इस मौके बोलदे होई एल.जी होरं इस गल्लै पर जोर दित्ता जे शांति ते स्थिरता बनाई रखना प्रशासन दी सबने शा बड्डी प्राथमिकता ऐ। उनें आखेआ जे कुसै गी बी इस गल्लै च कोई शक-शूबा

नेई होना चाहिदा जे प्रशासन गड़बड़ी पैदा करने दी कोशश करने आहलें खलाफ सख्ती'नै कार्रवाई करोग। उनें अगगे आखेआ

<><><><><><>

DIG Security Review

औंदे नवरात्रा उत्सव दे महेनजर उधमपुर-रियासी रेंज दे डी.आई.जी रिजवी होरें कटड़ा च इक सांझी सुरक्षा समीक्षा बैठक दी अध्यक्षता कीती जिसदा मकसद पवित्र त्यौहार दे सुचारू ते सकल आयोजन आस्तै तैयारियें दा जायजा लैना हां बैठक दरान एस.एस.पी रियासी नै कटड़ा शैह आस्तै इक बड्डी सुरक्षा ग्रिड योजना प्रस्तुत कीती ते कटड़ा शैहा दे यात्रा आहले रस्ते ते तीर्थ थाहें आस्तै कीती गेदी बवस्थाएं बारै जानकारी दिती। डी.आई.जी होरें इस गल्लै पर जोर भरेआ जे पवित्र त्यौहार दरान श्रद्धालुएं दी पुख्ता सुरक्षा यकीनी बनाना पैहली प्राथमिकता होनी लोड़चदी। जारी कीते गेदे प्रमुख निर्देशें च गड्डियें दी पूरी जांच करने आस्तै चेक प्वाइंट ते नाके स्थापित करना ते जम्मू-कश्मीर पुलस ते सी.आर.पी.एफ आसेआ 24 घंटे लम्मी दूरी तगर सांझी गश्त गी तेज करना शामिल ऐ।

<><><><><><>

ERSS-Kathua

सार्वजनिक सुरक्षा गी होर बेहतर बनाने ते आपात कार्रवाई सरबन्धी तंत्र गी तगड़ा बनाने दी दिशा च इक महत्वपूर्ण गैंऽ पुट्टदे होई कठुआ दियां एस.एस.पी मोहिता शर्मा होरें 112 नंबर पर फोन करियै शकैतां दर्ज कराने आहली 8 इमरजेंसी रिस्पांस सुपोर्ट सिस्टम व्हीकल यानि आपदा आहली स्थिति दरान तुरत कार्रवाई करने आहली गड्डियें गी जिला पुलस लाइन्स कठुआ थमां झंडी दस्सियै रावना कीता। इस पैहलकदमी दे तैहत कठुआ जिले दे हर इक पुलस थाने गी इक समर्पित आपदा आहली स्थिति दरान तुरत कार्रवाई करने आहली एह गड्डी उपलब्ध करोआई गेई ऐ जेदे कन्नै 112 नंबर डायल करियै लोक हादसे, विवाद, कोई बी अपराध या फही आपदा आहली स्थिति बारै जानकारी देई सकदे न, जेह्दे पर तुरत असरदार ते समेबह तरीके कन्नै कार्रवाई कीती जाहगा। एह गड्डियां सिखलाई हासल पुलस कर्मिं आसेआ चलाई जंदी ऐ जेह्डी सब्बै जरूरी संचार ते प्रतिक्रिया आले उपकरणें कन्नै लैस हुं'दी ऐ।

<><><><><><>

Devika Mela-Udh

उधमपुर जिला प्रशासन नै 14 अप्रैल 2026 थमां शुरू होने आहले त्रै रोजा ऐतिहासिक देविका बसाखी मेले दी त्यारियां शुरू करी दित्तियां ना। इस कार्यक्रम गी सफल बनाने आस्तै डिप्टी कमिशनर मिंगा शेरपा होरें जिला अफसरें ते नामवर लोकें कन्नै इक बैठक लाई। बैठक दरान मेले च मती गिनतरी च औने आहले श्रद्धालुएं गी स्थूलतां उपलब्ध करोआने लेई सुरक्षा, पीने आस्तै साफ पानी, बिजली सप्लाई, साफ-सफाई, ट्रैफिक प्रबंधन ते

मेडिकल सरबंधी सेवाएं कन्नै सरबंधत इंतजामें बारै तफसीली चर्चा कीती गई। होर जानकारी उधमपुर दे अडिशनल डिप्टी कमिशनर प्रेम सिंह हुं'दे शा

<><><><><><>

Tulip-Garden Visitors

श्रीनगर च एशिया दा सबनें शा बड्डा इंदिरा गांधी मेमोरियल ट्यूलिप गार्डन इक बारी फही सैलानिएं लेई इक आकर्षण दा केंद्र बनी गेआ कीजे जंदे रोज उद्घाटन मगरा उत्थे सैलानिएं दी बड़ी मती भीड़ दिक्खने गी लब्बा करदी ऐ। मेद कीती जा'रदी ऐ जे औंदे दिनें दरान उत्थे होर बी मता रश दिक्खने गी लब्बै कीजे देसै दे बक्ख-बक्ख हिस्सें थमां श्रीनगर घुम्मने आस्तै औने आहले लोक इस गल्लै गी यकीनी बना'रदे न जे ओहू पक्क गै इस ट्यूलिप गार्डन गी दिक्खने आस्तै औन। डल झील दे कंडे स्थित इस बाग च बक्ख-बक्ख रंगें दे लक्खें स्हाबै फुल्ल लाए जंदे न। इस कुदरती छलैपे दा नंद ठोआंदे होई किश सैलानिएं आखेआ

<><><><><><>

Shab-e-Qadar

जम्मू-कश्मीर च शब-ए-कदर दी मुकद्दस रात गी पूरे धार्मिक जोश कन्नै मनाया गेआ। ज्हारां बदे अकीदतमंद पूरी रातीं चलने आहली नमाज, कुरान शरीफ दी तिलावत ते दुआएं च शामिल होने आस्तै मसीतें च पुज्जे। पूरे केंद्र शासित प्रदेश दे बक्ख-बक्ख जिले दी मसीतें दे दरगाहें च तरावीह दी नमाज, कुरान शरीफ दी तिलावत ते दुआएं च अज्ज बड्डुलै फजर दी नमाज तगर इबादत च रूज्जे दे रेह। धार्मिक ओलमाएं मसीतें च लोकें गी इस रात दे महत्व बारै दस्सेआ ते लोकें गी दान-पुन्न करने सरबंधी कम्में च जुडने लेई आखेआ। इक ओलमा नै इस अवसर दे महत्व पर लोऽ पांदे होई आखेआ

<><><><><><>

Food Safety Ramban

रामबन दा खाद्य सुरक्षा मैहकमा खाद्य कारोबारें च लाइसेंस दी पुष्टि करने, मिलावट दा पता लाने, स्वच्छता दी पालमा गी यकीनी बनाने ते बक्ख-बक्ख बदलावें दे कन्नै-कन्नै बक्ख-बक्ख अभियान चला'रदा ऐ। इनें अभियानें च डेयरी उत्पादें, मठेयाई ते तेल ज्नेही मते जोखिम आहली चीजें दी दुकानें गी नशाना बनाया जा'रदा ऐ। कन्नै गै मैहकमा एहू यकीनी बनाना चाहंदा ऐ जे खाद्य बवसाय संचालकें कश एफ.एस.एस.ए.आई दा लाइसेंस होऐ। मैहकमा खाने-पीने आहली चीजें दी साफ-सफाई ते सुरक्षा प्रबंधन पर बी खास नजर रखदा ऐ। निरीक्षण अीम आमतौरा पर खाने-पीने आहली चीजें दे प्रबंधन ते उंदे भंडारण दी स्थिति दी खास जांच करा'रदी ऐ। होर जानकारी रामबन दे खाद्य सुरक्षा अफसर बलबीर सिंह हुं'दे थमां

<><><><><><>

JMC-Pet Registration

जम्मू म्युनिसिपल कापोरिशन नै पालतू कुत्तें दे मालकें गी हिदायत कीती ऐ जे ओहू अपने पालतू कुत्तें दा इक म्हीने दे अंदर-अंदर Jansugam.jk.gov.in पोर्टल पर पंजीकरण करोआन। मालकें गी लोडचदा ऐ जे ओहू अपने कुत्तें दी नसबंदी करोआन, उनेंगी रेबीज यानि हलकाहू थमां बचाने आह्ला टीका लोआन ते होर दुइयां लोडचदियां औपचारिकतां पूरियां करन ते लोकें दी सुरक्षा ते स्वच्छता यकीनी बनान। हिदायत च आखेआ गेआ ऐ जे खिलाफवर्जी करने आह्लें पर 5 ज्हार रपे दा जुर्माना बी लाया जाई सकदा ऐ। प्रशासन नै लोकें गी अपील कीती ऐ जे ओहू नियमें दी पालमा यकीनी बनान तां जे लोकें दी सेहत ते सुरक्षा कन्नै कोई खिलवाड़ नेई होऐ ते शैहर दी सुंदरता बी बनी दी रवै।

<><><><><><>

Weather

केंद्र शासित प्रदेश जम्मू-कश्मीर दे मते सारे हिस्सें च कल होई दी बरखा ते बर्फबारी दे मगरा नमीं पच्छमी गड़बड़ी दे कारण उच्चियें धारें पर 18 थमां 20 तरीक बश्कार फही बर्फबारी होने दी मेद ऐ। करसानें गी हिदायत दिती गेई ऐ जे ओहू करसानी सरबंधी गतिविधियें गी रोकन ते यात्रियें गी बी सावधानी बरतने दी सलाह दिती गेई ऐ। मौसम केंद्र श्रीनगर नै ऐतवारें 20 मार्च तोड़ी पूरे जम्मू-कश्मीर च मौसम बदलोखड़ा बने दे रौहने दी पेशनगोई कीती ते केई थाहें पर रूकी-रूकियै बरखा ते बर्फबारी होने दी मेद जाहिर कीती ऐ।

<><><><><><>